

太平寰宇記

第二十四册



太平寰宇記卷之九十二

江南東道四

常州

江陰軍

常州

常州

毘陵郡今理晉陵武進二縣

禹貢揚州之域春秋時為吳國

內地史記云吳公子季札所居是為延陵之邑後

吳為越滅復屬越至戰國時越為楚所滅復屬楚

故越絕書謂之淹君城秦併為會稽郡地漢初如

之尋分會稽為丹陽郡後漢順帝時分會稽置吳

郡又分吳郡以西為屯田置典農校尉以主之故

三縣爲吳郡之地晉武省校尉以屬毗陵郡其後東海王越太子毗倉采毗陵後爲石勒所沒元帝命少子哀王沖爲嗣因諱毗改爲晉陵移居丹徒其後歷宋齊陳因之不改隋平陳省晉陵郡於蘇州常熟縣置常州州名因縣之舊字也煬帝初州廢又爲毗陵郡唐武德三年杜伏威歸化置常州領晉陵義興無錫武進四縣六年復陷輔公祏七年公祏平復置常州于義興置南興州八年州廢義興來屬省武進入晉陵天寶元年改爲晉陵郡乾元元年復爲常州

元領縣五

今四

晉陵

武進

無錫

宜興

一縣割出

江陰

建軍

州境

東西二百里

南北一百六十五里

四至八到

西北至東京一千五百六十里

西北至西京一千九百八十里

西北至長安二千八百四十里

東至蘇州二百里

正南微西至湖州三百三十二里私路三百里

南至宣州五百里

西至潤州一百七十里

北至揚州三百四十六里

東南至蘇州二百里

西南至宣州二百里

西北至潤州一百九十六里

東北至蘇州屈曲三百六十一里

戶

唐開元戶十萬二千六百

皇朝戶主二萬八千七十一客二萬七千四百八十一

風俗

承太伯之高蹤由季子之遺烈蓋英賢之舊壤雜吳夏之語音人性質直黎庶淳讓言地則三吳襟帶之邦百越舟車之會舉江左之郡者常潤其首焉

人物

彭脩

字子陽毗陵人年十五侍父出行爲盜所劫脩拔刀向盜曰父辱子死汝不畏死耶盜驚

曰此童子義士也
毋逼之遂遁去
許武字季長
許荆字子孫

周處常州義興人
王渾平吳登建業宮置酒謂

曰漢末分崩三國鼎立魏滅于前吳亡于後
國對

田獵不檢細行人渾有愧色處先少孤膂力絕人好

處問故答曰南山白額虎長橋下蛟并子為三矣

志改行力學以節義著于天下
顧愷之字長康

錫人少博學善丹青世稱愷之有三絕才絕畫
絕癡絕桓謝輩重之拜虎頭將軍號顧虎頭

周盤龍義興人力戰位至散騎常侍齊武帝戲之

中生唐劉子翼晉陵人仕隋
劉禕之子翼子

詞賦高宗召入宏文館時謂北門
秦景通晉陵人與

弟暉皆精漢書號大秦小秦凡治漢書
者非出其門謂無師法官崇賢館學士

土產

紅紫綿布

白紵布

出四縣

緊紗

出武進

紫筍茶

出義興

薯藥

出無錫

龍鳳細席

出晉陵無錫二縣

子鱉

晉陵縣

舊四十五鄉今一十七鄉

春秋時吳之延陵邑漢為毗陵

縣屬會稽郡晉元帝因避毗字與郡俱為晉陵隋

文罷郡以縣屬常州 二橫山二山相連續竝在

州東北四十二里 津里出支理山在太湖中南

連湖州洞庭山 太湖在州東南一百里當縣義

興無錫等三縣界 青山橋在州北九十步江陰

有三峯山橋北遙望見故曰青山橋 東西湖郡

國志晉陵有上湖大陂陂吏丁初曾沿陂見一少
婦女衣青衣呼之初懼疾走顧視婦人乃自投陂
水中卽是一大獺驗其衣乃芟製耳 季札墓在
今縣北七十里申浦西是也

武進縣

去州八十里舊三十四鄉今十三鄉

周處風土記云陽羨之邑

輿地志云吳大帝改丹陽爲武進屬毗陵郡吳末
併入晉陵縣晉太康二年分丹徒曲阿二邑地立
武進縣梁武帝改爲蘭陵縣隋文帝廢唐武德三
年又置貞觀元年併入晉陵垂拱二年分割晉陵
西三十六鄉又置 夫椒山左傳吳王夫差敗越

于夫椒注云太湖中椒山是也。慶亭浦在縣西
五十里與丹陽縣分界孫權射虎于慶亭傷馬焉
孝感瀆去州八十五里王祥臨沂人事後母寓
居武進尙義鄉母疾思魚祥解衣將剖冰求之忽
雙鯉躍出卽此瀆也。滬湖在縣西南去州三十
里東接官河西連蕪蒲港南通義興縣北通白鶴
溪湖內多白魚水路通涇溪出潤州金壇延陵溧
陽按圖經昔有漏家將龍卵抱歸遂陷此湖故名
至今凡遇烟霧常見蜃樓。白鶴溪在縣西去州
三十里



無錫縣

東南九十里舊四鄉今二十七鄉

本漢舊縣屬會稽郡王莽

改曰有錫風土記武王追崇周章于吳又封章小

子斌于無錫昔有讖云無錫寧天下平有錫兵天

下爭故名之吳省屬典農校尉晉太康元年平吳

復爲縣屬毗陵元帝初改爲晉陵郡隋開皇九年

改晉陵郡爲常州廢縣入晉陵十三年復舊大業

三年改爲毗陵唐復爲無錫 九龍山郡國志云

九龍山亦曰冠龍山 古歷山上有春申君祠山

西有范蠡城在 御亭驛在州東南百三十八里

輿地志御亭在吳縣西六十里吳大帝所立梁庾

肩吾詩云御亭一回望風塵千里昏卽此也開皇九年置爲驛十八年改爲御亭驛李襲譽改爲望亭驛 顧山在縣西南九十五里山東屬蘇州西屬常州 安陽山去縣五十一里風土記云周武王封周章少子斌于無錫安陽鄉按南徐州記云此山石堪作器江東數州皆藉此器 七雲山在縣東北二十里高九十仞 上湖一名射貴湖一名芙蓉湖一謂之無錫湖在晉陵江陰無錫三縣界東去州五十九里東南流爲五瀉水南徐州記云無錫縣水清越絕書云無錫湖通長洲多魚而

甚清 陽湖在晉陵無錫兩縣界在州東六十四里東南入太湖二縣中分界 太湖從湖州長城縣歷義興晉陵入當縣界 五湖晉陵無錫兩縣中分湖爲界南徐州記云無錫西三十五里有長渠南有五湖向南又有小五湖非周禮所云五湖也 五部湖在縣南七里按南徐州記云五部湖其水濁瀉於此而玄白 五瀉水在縣北一十四里無錫江陰晉陵三縣界 鴨城西去縣二十五里輿地志云鴨城東吳王牧鳧鴨之處卽此城是也 太伯城西去縣四十里平地高三丈輿地志

云吳築城梅里平墟卽此地自太伯以下至王僚
二十三君公子光刺王僚卽此城內有太伯宅堂
基及井尙在 黃城去縣一十三里輿城志云楚
考烈王封黃歇爲相賜淮北一十三城後以其地
邊齊請以爲郡更以江東故東吳邑封之今歷山
下春申君祠去城三里古道通此黃城 惠山寺
在縣東七里一名九隴山長有泉梁大同二年三
月置寺張又新煎茶水記云陸鴻漸言無錫縣惠
山寺石泉水第二 蠡瀆西北去縣五十里范蠡
伐吳開造 太伯瀆西帶官河東連范蠡瀆入蘇

州界澱塞年深粗分崖岸元和八年刺史孟簡大
 開漕運長八十七里水旱無虞百姓利之 太伯
 墓在縣東三十九里冢墓記太伯墓在會稽吳縣
 梅北里聚去城一十里輿地志云宅東九里有皇
 山太伯葬梅里山是也 顧容墓吳志云荊州刺
 史顧容墓在縣東南十八里今呼為顧墓 琅邪
 王子陵墓在縣西北二十五里父廡隆安初聚兵
 討賊兵敗時年十二以不測父之存亡乃布衣蔬
 食終身不飲酒不行請于人非有朝政不入公門
 元嘉三年卒贈散騎常侍墓在此 王琨墓齊書

云琨自吏部郎爲廣州刺史年八十三卒墓在縣
東北二十五里 膠山在縣東北四十里出薯藥
王僧達墓宋中書令在膠山南嶺下

宜興縣

西南一百二十里舊
三十鄉今十一鄉

本秦陽羨縣周處風土

記本名荆溪漢永建四年分會稽郡置吳郡以陽
羨屬焉孫權曾爲陽羨縣丞寶鼎元年又分吳郡
置吳興郡縣亦屬焉晉永興元年惠帝以土人周
玘舉義兵平妖賊石冰欲紀其功遂分吳興之西
境及丹陽之東界以陽羨臨津國山義鄉永世平
陵等六縣爲義興郡屬揚州宋明帝泰始四年屬

南徐州齊永明二年又屬揚州尋復屬南徐州隋
 平陳廢義興郡改陽羨為義興縣省國山臨津義
 鄉三縣入義興屬常州隋末陷入賊唐武德三年
 杜伏威歸化廢國山義鄉兩縣於義興置鷺州七
 年平輔公祏改鷺州為南興州又置陽羨臨津兩
 縣八年廢州及陽羨臨津兩縣以義興屬常州皇
 朝改為宜興縣 陽羨古城在今縣南一名蝦虎
 城 計山郡國志云義興縣計山西一峯名金鷺
 峯昔有金鷺飛集此峯因以名 真山一名石筏
 山東連無錫西接江臨渚有石筏長六十步魚鱗

相次云始皇所造擬乘以泛海名曰筏梁 君山
在縣南二十里舊名荆南山在荆溪之南風土記
漢時縣令袁圯常言死當爲神一夕與天神飲醉
逆知水旱無病而卒風雨失其樞夜聞荆山有數
千人噉聲人往視之棺已成冢因改爲君山立祠
其下山上有池池中有三足鼈六眸龜 國山在
縣西南五十里輿地志云本名離里山山有九峯
相連一名升山吳五鳳二年其山有大石自立高
九尺三寸大十三圍三寸歸命侯又遣司空董朝
太常周處至陽羨封禪爲中岳改名國山明年改

元爲天紀大赦以叶石文石今見存陳暄國山記
云土人皆傳碣下埋金銀函玉璧銀龍銅馬之屬
孫皓疑有王氣故以此物鎮之山東北有兩重石
洞土人呼爲石室周幽王二十四年忽開可容千
人又有石柱呼爲玉柱其山名九斗以其九峯斗
峻四面水流注章溪 張公山在縣南三十五里
山巔空穴到底郭璞注云陽羨有張公山洞中南
北二堂古老傳云張道陵居此求仙因有張公之
名四面水入圻溪 小心山在縣西南二十五里
卽君山西峯也輿地志云金劓承小心山泉劓中

沙石色炯炯如金者因此名金泉流水入荆溪

小蘭山在縣東南五十里輿地志云石蘭山斗入太湖五里有兩岸南曰大蘭山北曰小蘭山相連二里童山在縣西南六十里風土記云芳巖卽此山又有沸泉山武花山新婦山俗立其名相連接入宣州界郡國志云武花山北有新婦山亦不述其由小坯山在縣西一百里周一里在長蕩湖內輿地記云水底有石堂上有獸跡水乾乃見北流入圻溪太湖在縣東四十五里南從湖州長城縣界古以義鄉山爲義興界今以董塘嶺爲

界北入晉陵縣界又入無錫縣界東入蘇州吳縣
界禹貢謂之震澤周官謂之具區史記謂之五湖
其湖周迴六百五十四里十道圖云三萬六千頃
長蕩湖在縣西一百里風土記云陽羨縣西有
洮湖中大小坯山輿地記云洮湖卽長蕩湖也江
賦云具區洮滬皆此也 荆溪在縣南二十步漢
志云中江首受蕪湖東至陽羨入海卽此溪也劉
穆之云船從義興通江至蕪湖分水北溢爲丹陽
湖東北迴爲洮湖又東入震澤 圻溪今俗呼爲
罨畫溪在縣南三十六里源出懸腳嶺東流入太

湖夾岸花竹照映水中 慈湖溪在縣西南八十里源出沸泉山北流入荆溪 陽溪在縣東北源出陽山東流入太湖風土記云陽羨縣小溪九所是爲三湖九溪今縣內只有六溪餘三溪不知其處 章溪在縣西南三十五里源出章山北入荆溪 洑溪在縣東五里源出荆山北入荆溪 金泉在縣西南二十二里輿地志云金礪承小心山泉礪中沙石時有炯炯色如金以此爲名流入慈湖溪 游泉在縣南四十里其水甘香長流不竭每歲貢進此水北流入圻溪 長橋在縣城前二

十步風土記云陽羨縣前有長橋跨水橋下有白
獺若歲有兵則獺出穴四望而嗥舊言有神今獺
已無蹤按陸澄地理抄云袁府君後漢人也造此
橋卽晉周處少時斬長橋下食人蛟卽此處也其
橋有一十三間 國山城在縣西南五十里晉元
帝置義興郡于陽羨又置國山縣于白石山西成
帝移于平地去舊城七里 平陵城在縣西北四
十六里輿地志云晉元帝割丹陽永平縣爲平陵
縣 山山亭在縣西八十三里在山山東南四面
水入荆湖風土記云漢蔣澄封山山侯 東浦亭

在縣東三十五里 章浦亭在縣西二十五里浦
側臧榮緒晉書云周處封章浦亭侯卽此風土記
云縣有九亭今三可識其六不知其所 九斗壇
在縣西南五十里高二丈在國山東梁武爲天旱
求雨於蔣山神感夢於武帝云九斗山張水曹神
能致雨帝乃遣使立壇祠之響應

江陰軍

江陰軍

理江陰縣

本江陰縣僞唐昇元年中建爲軍以江

陰縣屬焉皇朝因之

領縣一

江陰

軍境

東西一百三十五里 南北七十二里

四至八到

圖經上未述去二京里數

東至蘇州常熟縣界七十里

西至常州晉陵縣界六十里

南至常州無錫縣界七十里

北至江垠二里至于江心泰州海陵縣界四十里

戶

舊戶載常州籍

皇朝戶主七千六百四十五客六千九百六

風俗同常州

土產同常州

江陰縣

依舊二鄉十四鄉

本漢曲阿縣之地屬會稽郡晉武帝

於曲阿立武進縣屬毗陵郡梁改武進為蘭陵縣

敬帝太平三年分蘭陵置江陰縣唐武德三年於

縣置暨州領江陰暨陽利城三縣九年省暨陽利

城入江陰縣屬常州今為軍馬鞍山郡國志云

芙蓉湖西馬鞍山季札讓位耕于此芙蓉湖即

射貴湖一名上湖南徐州記云子英常以芙蓉湖
捕魚得赤鯉持歸以穀食養一年遂化為龍即此
也 郭璞宅在黃山北璞本河東聞喜人父瑗尚

書都令史璞好經術博學有高才妙于陰陽籌麻

庾冰宅今之永安寺是也冰與郭璞為友令璞

筮其後嗣卦成璞曰卿諸子竝貴盛然有白龍兒

者凶徵至矣若墓碑生金庾氏之大忌也後冰子

蘊為廣州刺史妾房內忽有一新生白狗子莫知

所由來其妾愛之祕而不令蘊知狗轉長大蘊入

見之眉眼分明又身至長而弱異于常狗蘊甚怪

之將出視眾人忽失其所在蘊慨然曰殆白龍兒
乎庾氏之禍至矣又墓碑生金俄而爲桓温所滅
璞占皆驗也璞宅在黃山北長廣村去縣七里吳
時烽火之所也璞曾經道上行遇一斫草人璞脫
袴褶與之曰我命在子手中其被刑日其斫草人
把劍行刑其先見如此江陰晉時爲宏農郡縣守
因之家焉於此製江賦入文選并撰爾雅三卷以
顯物類 申浦楚相黃歇封爲春申君本在壽州
爲去齊近爲齊所侵迫徙都于吳封爲春申君開
申浦置田有上屯下屯其時四豪爭烈門下各有

倉客三千人其上客皆躡珠履以相傾奪齊有孟嘗君田文趙有平原君趙勝魏有信陵君公子無忌楚有春申君卽黃歇楚考烈王無子趙人李園乃進其女弟于春申君知有身園乃與其女弟謀園女弟乘閒說春申君君進之于楚王王召入幸之遂生子男立爲太子考烈王病觀津人朱英說春申君殺李園歇不聽考烈王卒李園伏死士於棘門之內春申君入園死士刺春申君斬其頭投之棘門外而李園女弟所幸春申君有身而入之王所生子者遂立是爲幽王黃歇廟今在無錫惠

山寺唐開元四年無錫縣尉常非熊爲旱以露板
檄春申君說李園之事當時下雨信有徵矣

艦

浦池在縣西十八里古老云陳至德元年江陰郡
守倪啟徙江陰縣治夏浦築此城也 古旣陽城
在縣東四十里漢時莫寵所築捍海賊翟馬因名
莫城唐武德三年旣陽立縣併入江陰有莫城鄉
因名 聖英祠在縣西一百步按劉遴之神異錄
云晉陵旣陽城或云是魚子英廟列仙傳云子英
舒鄉人也因捕得一赤鯉愛之將歸池中以穀食
之一年遂大丈餘生角翅子英畏怖魚乃言曰我

迎爾耳上我背上與爾俱昇天忽卽暴雨子英上
魚背騰空而去經歲卻歸故處飲食見妻子魚復
還來迎之如此七年後人乃爲立廟 聖母祠在
縣南二百步按劉遴之神異錄云廣陵縣女杜美
有道術縣以爲妖桎梏之忽變形莫知所之因以
其處立廟號曰東陵聖母古老相傳云梁武普通
年中有商人乘船夜夢有婦人曰我是東陵聖母
神也隨形影逐流來此今當君船底水裏若能將
形影上岸立祠當重相報其人覺悟視之果如所
夢將上岸爲立祠至唐武德元年被燒今縣南一

百步聖母橋因此爲名見在 延陵季子祠在縣
西三十五里申浦按史記太伯世家注云季子冢
在旣陽西孔子過之題曰延陵季子之墓 利城
縣在奉國寺南戰國時築名若溪城唐武德三年
併入江陰縣 伍員祠在縣東南七十五里員湖
西岸昔伍相微行過此而後人悲憶之因名員湖
并爲立廟 望姨橋在縣西南一里昔宋高祖劉
裕少失母爲姨所養姨往市未回高祖登橋以望
之因名望姨橋又名桂橋下接下皇田浦引水入
湖往來通商旅船其深不可測浦今填塞橋亦廢

大平山志卷之九十一
矣 青山在縣西南十里上有千將鑄鑪九所

真山在縣東二十三里昔有道士在山修道常有
鹿來飲水產一女子鹿母送還道士養之長大姿
容絕倫勅之來取遂入香山湖浴浴了入山便失
所在其山及湖皆香因號香山湖也一云真山山
居人韓文秀見鹿產一女子墜地乃便收養及長
性好道梁武時度爲道士又追赴上元後爲至真
觀道主此觀其先在真山後移在縣東卽今至德
觀是也 傘熟在縣東四十里吳王闔廬第八子
葬于此池水周迴砌石林木森竦飛鳥不敢集西

南有石橋水深不可測其岸邊古有石獸若歲旱
土人祈之必獲嘉澤 孫無終家宅中地裂忽出
二白狗一雄一雌無終後爲桓温所害

校勘

常州

宜興縣 總序

武德三年置鵝州七年改爲南興州八年廢

按新舊唐書地理志皆無置鵝州事當是

一時廢置史所不錄今記自據圖志而書

如此類蓋非一也

太平寰宇記卷之九十二終

太平寰宇記卷之九十三

江南東道五

杭州

杭州

餘杭郡今理錢塘縣

禹貢揚州之域春秋時爲吳越二國

之境按吳地記云越國西北界至禦兒在今吳郡嘉興縣南是也卽與吳分界于此又按史記云楚威王伐越殺王無疆盡取故吳地至浙江按括地志云周顯王四十六年楚伐越大敗其王無疆盡取其地至于浙江之北故復屬於楚秦漢竝屬會稽郡後漢順帝以後屬吳郡吳大帝分餘杭置臨

水縣黃武五年於富春縣置臨武縣又析富春置
新城縣晉太康元年改臨安縣此郡亦屬吳興吳
二郡之地宋齊梁因之陳以爲錢塘郡隋平陳廢
郡改爲錢塘縣又省陳留爲綏安縣割吳郡之鹽
官吳興之餘杭合四縣置杭州在餘杭縣蓋因其
縣以立名十年移州居錢塘城十一年復移州于
柳浦西依山築城卽今郡是也煬帝初廢州爲餘
杭郡唐武德四年平李子通置杭州領錢塘富陽
餘杭三縣六年復沒于輔公祏七年平賊復置杭
州又置潛州領於潛臨水二縣八年廢潛州及臨

水縣以於潛來屬貞觀四年分錢塘置鹽官縣天寶元年改爲餘杭郡乾元元年復爲杭州皇朝爲鎮海軍節度

元領縣八

今十

錢塘

仁和

新置

於潛

餘杭

富陽

鹽官

臨安

昌化

新城

南新

新置

州境

東西六百七十里

南北九十里

四至八到

東北至東京二千八百里

西北至西京二千五百里

西北至長安三千四百里

東至蘇州三百九十里

南至越州一百三十里

北至湖州一百九十里

西至歙縣四百七十九里

東南至思俗山至越州總一百七十里又云渡浙

江一百三十里

西南至睦州三百一十五里

西北至宣州四百九十六里

東北至蘇州三百六十九里

東北至浙江入海處一百里

戶

唐開元戶八萬六千二百五十八

皇朝戶主六萬一千六百零八千八百五十七

風俗

同越州

姓氏

餘杭郡二姓 暨 隗

錢塘郡二姓 全 范

人物

全琮 孫鍾 富春人性至孝

朱異 錢塘人沈約曰天下惟有

文義甚書卿一時將去可謂不廉言 褚陶 雅字季

其多藝為散騎常侍制策筆不停綴 褚陶 雅字季

塘人年十三作鷗鳥小禮二賦見者奇之張華謂

陸機曰君兄弟龍躍雲津顧彥先鳳鳴朝陽東南

之寶已盡不 褚亮 錢塘 顧歡 字景怡鹽官人

意復見褚生 褚亮 錢塘 顧歡 字景怡鹽官人

閒驅雀作黃雀賦而歸雀倉 稻過半父怒欲撻之

見賦乃止家貧無書每于舍後聽人誦讀悉記無

遺齊王辟歡不赴 范元琰 字伯圭錢塘人家貧

者珍見遽退母問故曰畏渠愧恥耳或涉溝盜

荀珍伐木以渡自是盜者大慚一鄉無復鼠竊

唐褚遂良 字登善錢塘人亮 許敬宗 杭州新城

子善心讀萬卷書十五解屬 許遠 新城人為睢

文其先自高陽南渡相太宗 許遠 新城人為睢

反同張 錢鏐 字具美臨安人封吳越王諡武肅

巡死節 錢鏐 嘗築捍海塘適江濤怒嚙鏐命長

弩數百射之

褚無量 杭州人官至散騎常侍封舒國公

羅隱

字昭諫餘杭人善詩為宰相鄭畋所重

土產

牛膠 藤紙 蜜 乾地黄 乾薑 以上貢 白編

綾 橘 木瓜 漆 出昌化 黃精 芡實 出錢塘俗名雞

豆 鮐魚 出富陽 鹽 出海 筍魚 出富陽形似筍惟五月有之

海蛤 冬筍 出餘杭

錢塘縣 舊二十五鄉今一十一鄉 本秦舊縣史記曰始皇三十七

年東遊過丹陽至錢塘漢書地理志云屬會稽郡

西部都尉劉道真錢塘記云昔一境逼近江流縣

在靈山下至今基址猶在郡議曹華信乃立塘以
 防海水募有能致土石者即與錢及成縣境蒙利
 乃遷此地因是為錢塘縣晉天福初改為錢江縣
 尋復舊 靈隱山在縣西十五里許由葛洪皆隱
 此山入去忘歸本號稽留山今立寺焉山南有一
 石狀如人兩髻分明俗謂之女兒山 定山在縣
 西四十七里突出浙江數百丈又按郡國志云濤
 至此輒抑聲過此便雷吼霆怒上有可避濤處行
 者賴之云是海神婦家 巨石山在縣南三里郡
 國志云上有七層古塔王僧儒云巧絕人工山北

有落星二石存 石膏山在縣西五十七里錢塘
記云山出石膏若雪又縣內亥地有獄獄左右亦
有石膏雨霽時出藥用爲最一名稽留山無毒獸
惡蟲 亭市山郡國志云杭州亭市山餘石鄉亭
市村人悉作大甕今謂之浙甕 金鵝山郡國志
云金鵝山山鳴卽縣有貴人寓止古防風氏封此
山下有風渚卽古鄆瞞國也 馬嘯山郡國志云
吳伐越至此山大風車破騎死有馬嘯呼求其主
遂名之 錢塘古泉亭有紫水如霞爲潮所衝鄉
人華信將私錢召有能致土石一斛與錢一千旬

日之間來者雲集塘未成譎不復取皆棄土石而去故作成此堤以捍海潮後因號爲錢塘 浙江山海經云浙江出三天子都在率東閩西入海餘暨南郭璞注云按地理志浙江出黟縣南率中東入海今之浙江是也率卽歛耳餘暨縣名虞喜志林曰今錢塘江口浙山正居江中潮水投山下折而曲一云江有反濤水勢折歸故曰浙江史記云水至會稽山陰爲浙江 西湖在縣西周迴三十里源出武林泉郡人仰汲于此爲錢塘之巨澤山川秀麗自唐以來爲勝賞之處 粟山在縣西一

十七里輿地志云山下有飛泉二里石杵闊二丈
長一丈四尺吳大帝刻黃武二年歲在戊午八月
三日十二字餘皆漂沒微茫若存 鳳凰山在縣
南三里有鳳凰欲飛之象 秦望山在縣西南一
十里輿地志云始皇東遊登此欲渡會稽故名
吳山泉在吳山北寒泉迸溢清而且甘汲之不竭
明珠浦通浙江生蚌珠 望潮樓高十丈在縣
南十三里唐武德七年置

仁和縣

西南一百里十二鄉

本錢塘鹽官之地唐麟德二年析

二縣之地置錢塘縣於州郭國朝太平興國三年

平江東改爲仁和縣 黃鶴山在縣東北三十八

里 蛾眉山在縣北四十七里

於潛縣

西二百里舊二十鄉今十四鄉

本漢舊縣地漢志屬丹陽

郡吳越春秋秦徙大越烏語之人置替闕駟十三
州志替讀爲潛俗出好布吳寶鼎元年割屬吳興
郡吳錄地理云縣西替山蓋因山以立名舊替字
無水至隋加水屬餘杭郡郡廢還屬杭州唐武德
七年置潛州八年水路不通遂廢以縣來屬杭州
窄萼山在縣西二里吳興記云山東臨縣西溪
有絕壁高四十丈上可容千人謝安嘗登之箕踞

垂足曰伯昏瞀人何以過是也 天目山郡國志
云山上有數百年樹名曰翔鳳林輿地志云上有
兩湖若左右目名天目也山極高峻上多美石泉
水名茶按茶譜云杭州臨安於潛二縣生天目山
者與舒州同 懸霤山吳興記云上有懸霤故以
爲名晉時許邁嘗造郭景純純筮之遇泰爻發謂
曰君元吉自天宜求昇遐之道于是乃往師仙者
鮑靚靚後遁跡莫知所之數年過其故人夜後門
戶皆閉而聞別室有人乃視卽先生也方欲看書
主人將具燭先生曰不須然披閱如晝也 印渚

山上承浮溪水吳興記云從溪以上至縣悉石瀨
惡道不行船以下水道險故行旅集焉晉王胡之
爲吳興太守至郡中歎曰非惟使人心情開滌亦
覺日月清朗傳云渚次石文似印因以爲名石
甌山按郡國志云石甌山一名天姥山有石危如
甌三石支在下一人搖之甌動更加千人搖之終
不落 青山郡國志云青山有石穴冬夏常暖石
色如黛故號曰青山下有吳均宅基

餘杭縣

西北七十里舊三十鄉今十四鄉

本秦舊縣也山謙之吳興

記云秦始皇三十七年將上會稽塗出此地因立

爲縣郡國志云夏禹東去捨舟船登陸於此仍以
爲名漢書地理志屬會稽隋平陳於此置杭州後
移州就錢塘縣依舊屬也 由拳山本餘杭州也

一名大辟山郡國志云青嶂山高峻爲最在縣南
十八里山謙之吳興記云晉隱士郭文字文舉初
從陸渾山來居之王敦作亂因逃歸入此山今傍
有由拳村出藤紙 大辟山晉書云郭文舉隱于
餘杭大辟山中曾有猛獸殺一鹿於菴側文舉以
語人人取賣之分錢與文舉文舉曰我若須此自
當賣之所以相語者不須故也知者皆嘆美之

嚴山郡國志云一名白鹿山晉朝嚴晁葬此山有
二白鹿來夾冢因名太守山 大滌洞在天柱宮
南宮內有湧泉其水色皆青黃赤白碧不定山有
五洞其一投龍 吳天師墳吳筠餘杭人也爲唐
內供奉因遊天柱宮沒葬于此今有碑存

富陽縣

西南七十三里舊二
十五鄉今二十二鄉

本漢富春縣也屬會稽

郡吳錄地理志云屬吳郡晉孝武太元中避簡文
鄭太后諱改富陽縣 赤亭里卽嚴陵釣于此有
臺基在謝靈運詩云定山緬雲霧赤亭無淹泊
石頭山山有觀濤所 孫洲吳錄浙江經縣前過

江中有沙漲吳武烈帝爲郡吏赴府鄉人餞之會
于洲上父老云此沙狹而長君其爲長沙太守乎
後果如父老之言因於長沙起兵爲吳始祖遂名
此沙爲孫洲 桑亭埭郡國志云漢末有桑君養
犬數年不吠孫文臺微時經此犬忽吠之桑謂臺
曰君其異相乎及貴欲報桑無所好唯好張箒箒音
籠捕魚文臺爲作九里箒以貺之 潮戶地近海
而民朔望迎潮而歌 陽平山地理志吳武烈帝
孫氏之所居也其祖種瓜于此有二仙人示其葬
地卽此也

鹽官縣

西北一百三十里舊二十二鄉今九鄉

本漢海鹽由拳二縣之

境漢志云海鹽縣有鹽官此地也吳錄地理云鹽

官本名海昌時改爲鹽官屬吳郡沈約宋書州郡

志云此說非也鹽官本漢之舊縣予按吳志孫權

爲將軍陸遜始仕幕府出爲海昌屯田都尉并領

縣事縣連年亢旱遜開倉以賑貧民權爲將軍漢

建安五年也太康地志云漢鹽官也 金牛山輿

地志云昔吳楚之間金牛出自毗陵奔來此山而

沒因名之 臨平湖在縣西五十里湖在臨平山

南吳志云歸命侯天璽元年吳郡言臨平湖自漢

未草穢壅塞今更開除長老相傳此湖塞天下亂
此湖開天下平又于湖邊得石函中有小石青色
長四寸廣二寸餘上刻作皇帝字于是改年大赦
俄而晉平吳孫盛以爲元皇中興之符徵五湖之
瑞石也又岸崩得石鼓唯張茂先識之 褚無量
家近湖邊年十二時湖中有龍鬪傾里巷觀之無
量讀書晏然不動

臨安縣

西北一百二十八里依舊二十六鄉

吳志云漢建安十六年分

餘杭立臨水縣屬吳郡歸命侯時割屬吳興晉太
康中改爲臨安縣隋廢唐垂拱四年又置梁開平

二年改爲安國今復舊 臨安山縣取此爲名南
有郭文舉宅基 石鏡山按山川記云臨安縣有
石鏡在山之東峯又郡國志云徑二尺七寸其光
照如鏡之照物分毫不差

昌化縣

西二百四十八里舊十三鄉今十一鄉

按縣唐初爲紫溪縣聖

祿元年正月三日改爲武崇縣神龍元年三月改
爲唐山大祿二年又廢長慶之後復立梁改爲金
昌縣後唐同光初復舊晉改爲橫山縣後復舊迨
至太平興國三年改爲昌化縣 紫溪吳興記云
邑有文山水東南流爲紫溪輿地志云以爲水紫

色也又云紫溪中夾水有赤色磐石長百餘丈望
之如霞名曰赤瀨水 晚山山悉松木真墨所出

空山嵌空如室

新城縣

西一百三十二里
舊十四鄉今七鄉

按其地在浙江西南名曰

桐溪吳大帝立此為縣後廢以其地入富陽唐永

漶元年五月分富陽縣之地又置之即今理朱梁

改為新登縣至太平興國四年改為新城復舊名

南新縣

西一百六十
十里五鄉

本臨安縣地皇朝乾德五年錢氏

割臨安縣地置南新場以便徵科至太平興國六

年改為南新縣 新婦洞在縣東洞有潭深八九

尺清瑩中有鰻魚一頭甚異 龍邱山在縣東

三九山在縣西

校勘

杭州

昌化縣 總序

聖厯元年正月三日改爲武崇縣

按舊唐書地理志云萬歲通天元年分紫

溪別置武隆縣今記云聖厯元年正月三

日改紫溪爲武崇縣蓋從唐會要而書其

曰武崇避諱耳然按新唐書志垂拱二年

析於潛置紫溪縣萬歲通天元年曰武隆
其年復爲紫溪又析紫溪別置武隆縣聖
祿三年省武隆入紫溪長安四年復置神
龍元年更武隆爲唐山大祿二年皆省長
慶初復置唐山其廢置如此今記爲略也

太平寰宇記卷之九十三終

太平寰宇記卷之九十四

江南東道六

湖州

湖州

吳興郡今理烏程縣

禹貢揚州之域古防風氏之國也春

秋爲吳地後屬越越爲楚所滅復屬于楚史記云

汪罔氏之君守封禺之山卽此也秦屬會稽郡亦

鄣郡之境漢如之後漢屬吳郡吳分吳丹陽二郡

置吳興郡卽今州是也孫皓爲烏程侯及卽位改

葬父和于此遂立此郡歷晉宋齊梁如之梁敬帝

紹泰元年改郡爲震州陳初罷州復爲郡隋仁壽

二年改爲湖州因太湖爲名煬帝初廢爲吳郡之
烏程縣唐武德四年平李子通置湖州領烏程一
縣六年陷于輔公祏七年平賊復置仍以廢武州
之武康來屬又省雒州以長城來屬天寶元年改
爲吳興郡乾元元年復爲湖州皇朝爲宣德軍節
度

元領縣五

今六

烏程 歸安新置

武康 安吉 長興 德清

州境

東西三百五里

南北二百七里

四至八到

西北至東京二千一百八里

西北至西京二千六百里

西北至長安三千二百四十里

東至蘇州二百一十里

南至杭州一百九十里

西至杭州三百八十七里

北至蘇州三百八十七里

東南至杭州鹽官縣一百七十二里

西北至杭州一百九十里

西南至宣州界二百六十一里

西北至常州三百三十二里

戶

唐開元戶五萬九千

皇朝戶主客共三萬八千七百四十八

風俗 同蘇州

姓氏

吳興郡四姓 姚 沈 邱 紐

長城郡二姓 錢 胥

人物

吳粲

烏程人仕吳為曲阿長嘗於河口拒魏將遇

敗粲曰敗則俱死奈

曹不興

烏程人孫權使書

何棄之所謂甚眾

沈約

字休文武康人以詞賦

日隱

沈景宗

吳均

字叔庠故鄣人文有古氣

春秋注范曄後漢書

邛傑

邛遲

吳興

唐邛

吳興人為

沈麟士

武康人應里選入都僕射何尚之謂子

流也

沈慶之

武康人以致仕

沈浚

字叔源武康

唐

陸龜蒙

字魯望長興人性嗜茶置

孟郊

武康人

年五十始第常隱居嵩山謚曰貞曜

錢起

字仲文長興人

土產

卷之九十四 三

紫筍茶 木瓜 糝煎 重杭子 白紵布 綾

貢即吳綾也 綿 筆

烏程縣 舊三十一鄉今一十五鄉 本秦舊縣越絕外傳云秦始皇

至會稽徙於越之人於烏程吳孫皓嘗封烏程侯

吳興記云縣舊在郡界晉安帝義熙元年始移今

處隋廢東遷縣亦入此邑之地按郡國志云古烏

程氏居此能醞酒故以名縣 卞山郡國志云卞

和採玉處非也周處風土記云卞山當作冠弁之

弁徐陵孝義寺碑云高峴蒼蒼遙聞天語山東足

有一石簣高數尺晉太康中人開之風雨晦冥遂

止歷代不知所封又宋書蕭惠明爲吳興太守郡
界有卞山山下有項羽廟相承云羽多居郡廳事
前後七人太守不敢上廳惠明謂綱紀曰孔季恭
曾爲此郡未聞有失遂盛設筵榻接賓數日未幾
惠明忽見一人長丈餘張弓挾矢向之旣而不見
因發背疾旬日而殞 石斗山山南有烏亭王羲
之嘗遊此每謂親友曰百歲之後誰知我于此遊
西陵山吳興地記云孫皓改葬父和于此山號
曰明陵卽卞山之別嶺也 溫山山謙之吳興記
烏程縣西四十里有溫山出御菽 五孤城郡國

志云烏程南十八里有五孤城吳時鄭姬善相人者居此 楚廟南齊臨汝侯蕭猷爲吳興太守性倜儻與楚廟神交飲至一斛每酹祀盡懼極醉而神影亦有酒容所禱必應後爲益州刺史時江陽人齊苟兒反猷乃遙禱請救是日有田老逢數百騎如風一騎過請飲田老問爲誰曰楚王來救臨汝是日猷大破苟兒 毗山在縣東北九里山海經云浮玉之山東望諸毗郭注云諸毗水名也按浮玉山在安吉則霅水之發源也言東望溪浦涯牙相毗竝匯于太湖因名之梁吳均和柳惲毗山

亭詩曰平湖曠復遠高樹峻而危 衡山在縣南
一十八里左傳襄公三年楚子重伐吳克鳩茲至
于衡山杜注云衡山在吳興烏程縣山謙之吳興
記衡山一名橫山也 壘山在縣北五里山謙之
吳興記壘山有紫石英山東臨大溪西帶長瀆山
上有亭臨眺四曠名壘山亭 三山在縣東北七
十二里張玄之吳興山墟名曰三山太湖中白波
天合三點黛色陸士龍贈顧彥先詩云我家五湖
陰君住三山陽此是也今屬吳縣 白鶴山在縣
西北三十六里吳興記云昔烏程人姚紆化爲白

鶴遊于此山因名之山石堪爲碑材江乘記云負
邱山石精好不謝吳興卽此山也小靄山在縣
北震澤中周處風土記云太湖中有大靄小靄二
山山之中有靄澤卽舜漁之所也蓋浙東有餘姚
縣上虞江是舜本土按韓詩外傳云舜東夷人也
金山張玄之山墟名云金山上石悉作丹絳之
色夜照數里不假燭以其光彩類金而名焉昇
山在縣東二十里一名烏山一名歐餘山一名歐
亭山吳均入東記云王羲之爲太守常遊踐因升
此山顧謂賓客曰百年之後誰知王逸少與諸卿

遊此乎因有昇山之號立烏亭于山上西余山
在烏程縣東一十八里輿地志云漢文帝封東海
王搖之子期視爲顧余侯至孫坐酎金失國卽此
地也厥山在縣東北七十里吳均入東記云吳
有文士陸厥嘗家于此山何口山在縣南十里
山下當何山等路昔日何山亦曰金蓋山晉何楷
居之修儒業楷後爲吳興太守改金蓋爲何山山
口有火山曰金口山今日何口山見括地志峴
山在縣南五里本名顯山晉太守殷康于山下起
顯亭以唐廟諱改之天寶中太守韋景先起五花

亭山上有唐相李適之石酒罇 石城山在縣西
南三十里山墟名云昔烏程豪族嚴白虎于山下
壘石爲城與呂蒙戰所今山上有弩臺烽火樓之
跡猶存焉 黃蘗山在縣西南三十五里梁光祿
卿江淹賦詩之所 杼山在縣西南三十里山墟
名云昔夏后杼巡狩之所今山上有古城避地唐
大厯八年刺史顏真卿於山上起桂棚三癸亭謝
臨川寫真堂 具區藪太湖也澤縱廣二百八十
三里周迴三萬七千頃連接四郡界入於海蓋水
之所都也深曰湖淺曰澤帶草莽曰藪中有最高

山曰洞庭曰包山曰姑蘇洞庭下有地道通巴陵
昔龍威丈人之所居姑蘇上有臺吳王闔廬之所
居次有三山曰石公山大鼉山小鼉山古所謂登
姑蘇望具區言登高矚遠封疆庶物無不具也一
名震澤亦名笠澤亦名鼉澤孔安國云震澤吳曰
太湖名太湖者以其廣大名之也又名五湖韋昭
三吳郡國志云太湖邊有游湖莫湖胥湖貢湖就
太湖爲五湖又云胥湖蠡湖洮湖滬湖就太湖爲
五也又云天下如此者五虞仲翔川瀆記云太湖
東通長洲松江水南通烏程霅溪水西通義興荆

溪水北通晉陵溇湖水東連嘉興非溪水凡五道
謂之五湖按爾雅云天下有十藪其六曰吳越之
間有具區藪 苕溪在縣南五十步大溪西從浮
玉山東至興國寺以其兩岸多生蘆葦故名苕溪
興國寺今廢雪溪館 雪溪在縣東南一里凡四
水合爲一溪自浮玉山曰苕溪自銅峴山曰前溪
自天目山曰餘不溪自德清縣前北流至州南興
國寺前曰雪溪東北流四十里合太湖顧長生三
吳土地記云有雪溪水至深者徐陵孝義寺碑云
清雪瀾瀾深窮地根按字書云雪者四水激射之

聲也 貴溪雪溪西南岸有浦曰貴溪梁時烏程
有蘇氏女於此遇一道士曰汝後大貴因遺一五
彩龜曰三年當有徵蘇氏後適章氏生陳高祖宣
皇后高祖卽位拜后母爲安吉縣君因名此曰貴
溪浦 蘇公潭從貴溪東南三百五十步至駱駝
橋下曰蘇公潭此水深不可測中藏有蛟螭代爲
人患唐開元初許國公蘇瓌子頌爲烏程縣尉郡
守命督縣事因誤墜此溪直至潭底聞水中有人
語曰扶尙書出遂冉冉至水上略無損溺後爲玄
宗朝相嗣封許國公有記見在 白蘋洲在雪溪

之東南去州一里洲上有魯公顏真卿芳亭內有

梁太守柳惲詩云汀洲採白蘋日晚江南村因以

為名洲內有池池中舊有千葉蓮今唯地名故址

存焉 荻塘在州南一里一百步吳興記云晉太

守殷康所開傍溉田千頃楊備隋錄云烏程沈恆

居荻塘家貧好學每燒荻自照其塘西引雪溪東

達平口南望官河北入松江 東溪在縣東南三

百二十里吳興記云東溪出美魚 謝塘在縣西

四里晉太守謝安開唐大厓閒刺史裴清于州西

起謝塘館 黃浦一名黃蘗澗在縣西南二十八

里其源出黃蘗山因名焉吳興記云春申君黃歇
于吳墟西南立菰城縣青樓連延十里後漢司隸
校尉萬向於此築坂溉田鮑照有黃浦送別詩括
地志云亦名庾浦蓋康浦也以其左右有上康下
康村晉殷康爲太守百姓避其名因更康爲庾也
掩浦一名項浦在縣東北十六里顧長生三吳
土地志云昔項羽觀秦皇輿御曰可取而代也伯
項梁聞掩其口之處因名之孔姥墩水在縣西
北二十八里韋昭三吳郡國志云昔有孔氏之婦
少寡有子八人皆訓以義方夜則讀書晝則力田

漢哀平之間俱爲郡守因名之亦曰八子墩 駱
駝橋唐垂拱元年造以橋形似駱駝之背故名之
劉禹錫送人至吳興詩云駱駝橋上蘋風起鸚鵡
盃中箬下春卽此橋也在霅溪上 廢菰城縣在
州南二十五里郡國志云春申君立菰城縣秦改
爲烏程 烏亭在昇山上王羲之所造以烏巾氏
所居也今廢 毗山亭在毗山梁吳興太守柳惲
所創惲與郡主簿吳均有毗山亭贈答詩今廢
古烏程侯井在縣東北三里括地志云烏程東北
有孫皓爲烏程侯時井一所口圓徑一丈六尺

潘泥墓在縣東十里 邛遲墓梁黃門侍郎在縣

南十六里

歸安縣 西去州一百二里十六鄉 本烏程縣地皇朝太平興國七

年分置歸安縣居郭下

武康縣 西南一百五里舊二鄉今十二鄉 古防風氏之國地理志

云本漢烏程縣之餘不鄉地漢末童謠云天子當

興東南三餘之閒吳乃改會稽之餘暨為永興分

餘不為永安以協謠言晉以平陽已有永安縣復

改為武康又宋書州郡志云吳分烏程餘杭二縣

立永安縣屬吳郡晉武帝改永安為武康縣即此

防風山在縣東一十八里先名封嶠山唐天寶六年勅改焉其一名風公山一名風渚山古防風氏之國風公者以其山上有風公祠風渚者以山下有風渚水封山者以其禁樵採漁獵也山東南二里有嶠山禹十二代孫帝嶠所居也吳伐越曠會稽得骨節專車使問仲尼仲尼曰禹致羣臣于會稽防風氏後至禹殺而戮之其節專車此爲大矣客曰防風何守仲尼曰汪芒氏之君守封嶠山言防風氏治此二山也石城山在縣西南三里漢末赤眉之亂也人于山上累石爲城因以爲名

宋書云沈道虔居縣北石山下縣令庾肅之迎出
縣南廢頭里爲立宅臨溪徵員外散騎侍郎不就
山上有漢青州刺史姚恢墓 金鵝山在縣東二
十里山墟名曰漢海昏侯沈戎葬于此上有池深
五尺其水冬夏不竭時吳帝見山上金鵝翔集或
風清雨霽樵夫耕叟聞山上鵝鳴 武康山在縣
西十五里名銅官山唐天寶六年勅改輿地志云
銅官山下有兩坎深數丈方圓百丈古採銅所
響山在縣西八里山下有水謂之響潭吳興記云
有人經響山語無多少響則隨聲曲折應之洪纖

一無所失 天泉山在縣西北三十五里吳興記
云山上有長流泉謂之天泉傍多沃壤可耕植今
按有水田五畝一名唐鎚山 凡山在縣北一十
五里山墟名曰凡山形似几因爲名焉亦作已山
 嵎山在縣東南三十里輿地志古防風氏之都
 計籌山在縣東南三十五里吳興記云計籌山
昔越大夫計然多才智籌算于此山按其地與餘
杭縣分界今俗謂之界頭山蓋籌頭聲相應也
 七里嶠在縣西南十里山墟名云七里嶠山頂有
石橋長一丈六尺甚峻滑一名石橋一名石頭山

今山下有橋村 馬頭塢在縣西南二十五里晉
書云咸和七年石勒將韓雍寇吳興詔遣西中郎
將趙宏攻之于馬頭塢雍走寇南沙及海隅二縣
悉在今蘇州界 前溪在縣西一百步前溪者古
永安縣前之溪也今德清縣有後溪也邑人晉沈
充家于此溪樂府有前溪曲則充之所製其詞曰
當曙與未曙百鳥啼忿忿後宋少帝續爲七曲其
一曲曰憂思出門戶逢郎前溪渡莫作流水心引
新都捨故 餘不溪在縣東二十四里餘不溪者
其水清與餘杭溪不類也如會稽秦望其山秀發

九平景字言 卷之九十四 三
餘山無與等也晉中興書孔愉字敬康少時曾買
得一龜放餘不溪中龜及中流數顧及愉封餘不
亭侯鑄印而龜首左顧更鑄亦然印工以告愉愉
悟昔者所放龜乃取佩焉 餘英溪在縣西十二
里山墟名曰每春夾岸花開通夏不歇 阮公溪
在縣西一十五里與餘英溪接梁陳故事云石英
寶者會稽上虞人常寓于武康其女有殊色天監
元年選爲采女及生元帝爲修容賜姓阮氏拜其
父爲奉朝請時人名所居之溪爲阮公溪英寶以
承聖二年追封武康侯溪中有大青石俗謂之美

人石 仙人渚在縣西四十里昔沈羲得道之所
見神仙傳今有石胡梯登仙之處上有石盤見存
銅官趙監廟漢吳王濞鑿山採銅銅監趙氏遇
山崩壓死降靈于此後人立廟 丁固墓吳司空
也在縣東一十五里

安吉縣

西南一百四十里元二十五鄉

本漢故鄣縣地吳興記云漢

中平二年張角作亂荆揚尤盛唯此郡守險拒逆
漢朝嘉之故分鄣縣南北置安吉縣屬丹陽郡後
廢唐麟德元年復爲安吉縣隸湖州 隱塢梁陶
弘景謚貞白先生嘗隱居于此故號曰隱塢 天

目山高三萬六千尺在縣西南七十五里吳興記
 云天目山極高峻嶺上有水甚美東南有瀑布下
 注數畝地志云山上有兩池為天之左右曰老子
 說曰欲度難及欲避水災以天目海陵山為第一
 五山高三千六百尺在縣西南四十六里括地
 志云山有五峯昔村人姚紆嘗于此採樵忽遇仙
 人及還家因入甕中隱身謂家人曰可七日勿開
 日限未至家人開之紆變為白鶴飛向五山吳興
 記云五山亦名奕山 玉磬山高五百尺在縣東
 北十五里高僧傳曰釋曇諦姓康氏吳興人出家

居吳虎邱山後入故鄣之崑山每夜間有聲尋其發聲之所掘之得玉磬因以爲名 邱閣山高二百七十六尺在縣東北二十五里吳志云吳帝遣從弟孫慶修故鄣邱閣糧穀 銅山高一千三百尺在縣東三十里括地志云吳採鄣山之銅卽此南嶼山高三萬六千尺在縣南六十二里括地志云南嶼山一名白水山上有湖其水色白因名之 茗水在縣治西南七十五里北流山海經云句餘山東五百里曰浮玉之山茗水出其陰 邱閣水在縣治北三十里周迴二頃二十畝吳興記

云邨閣池水灌田五百一十畝鱗羽涵泳菱荷交
蔭唐聖厯元年縣令鉗耳知命修邨閣路 兩生
墳在縣北三十里曇諦姓康氏前爲崇覺法師與
姚萇講法華經後爲曇諦法師住崑山寺前後兩
生悉葬于此

長興縣

西北七十
里三十鄉

本漢烏程縣地武帝分置長城縣

按吳興記云吳王闔廬使弟夫槩居此築城狹而
長故曰長城縣因此名之隋開皇九年封陳後主
叔寶爲長城縣公卽此也初置縣富陂村咸康元
年徙箬溪北今之重光觀卽故地隋大業十一年

徙于夫槩王故城唐武德七年廢宣州原鄉安吉
故鄣三縣入長城始移于此今改爲長興縣梅
溪山隋圖經云吳興故鄣東三十里有梅溪山山
根直豎一石可高百丈至青而圓如兩閒屋大四
面斗絕仰之于雲外無登陟之理其上復有磐石
正圓如車蓋常轉如磨聲若風雨土人號爲磨石
石磨轉駛則年豐遲則歲儉候之無失 霑水亦
茗水之異名也水深不可測俗謂之茗水又山海
經云浮玉之山茗水出其陰中多紫魚今亦謂之
霑烏山 金沙泉按郡國志云卽每歲造茶所也

按茶產于邑界有生顧渚中者與峽州同生山桑
儒師二塢白茅山在縣腳山嶺者與襄荆申三州
同生鳳亭山伏翼閣飛雲曲水二寺青峴啄木二
嶺者與壽州同 鄆郡故城卽秦時鄆郡城今俗
號府頭是也在縣西南八十里 夏駕山一名石
鼓山在縣東南三十六里高九百丈張玄之山墟
名云昔帝杼南巡至于此山因而名之山上有石
鼓高一丈下有磐石爲足諺曰石鼓鳴則三吳有
兵括地志云石鼓作金鼓鳴亦爲零陵郡石鼓之
類吳興記云五行記竝同此記 大雷山在縣東

北六十里高一百二十丈周處風土記云太湖中大雷小雷二山相距六十里其間卽雷澤舜所漁處也尚書釋言云在震澤 飛雲山在縣西二十里高三百五十尺山墟名云飛雲山南有風穴故雲霧不得靄鬱于其間其上多產楓櫟等宋元徽五年置飛雲寺有石泉沙渚松門苦竹巖也 白鶴山在縣東南三十一步高三百尺山墟名云昔姚軫得仙于此山化白鶴飛去因名之 九龍山在縣西百二十里一名郭山一名章山山墟名云九龍山其山有九隴悉作龍形山頂有古石城城

西北角有石竇因名石郭吳興記云石郭山在郭
南五里產楊梅貢御輿地志云石郭山昔吳採郭
山銅以鑄錢卽此山口青山在縣南六十里高三
百丈山墟名云青山有石竇通洞庭冬夏常暖山
如黛色 藝香山一名湖陵山在縣北一十五里
高四百五十尺山墟名云藝香山昔西施種香之
所括地志有湖陵無藝香 西顧山一名吳望山
在縣北四十九里高千尺山墟名云西顧山昔吳
王闔廬登姑蘇望五湖顧見此山因名之括地志
所載西顧乃作牢固之固未詳也 雉山在縣北

五里高五百尺山墟名云以形類雉梁陳故事云
武帝時有童謠言烏山出天子江表以烏名山者
悉鑿按陳高祖則長興雉山人也其山有追贈

西噎山在縣西北六十一里山墟名云西噎山泉
澗北流而西向峻狹以其聲嗚咽而名之 龍目

峴在縣西北一百一里高五千尺山墟名曰龍目
峴山石巖間有二目光彩照人因而名之爲龍目

峴 南嶼山在縣西南百六十里山墟名曰昔西
施種香之所土有蘭茝畹 三鷓崗在縣南六十

五里上有晉太傅謝安墓其崗中有斷處卽因梁

童謠鑿所 雷澤在縣東三十三里一名笠澤一

名具區藪 西湖在縣西南五里塘高一丈五尺

周迴七十里山墟名云西湖一名吳城湖昔闔廬

築吳城使百姓輦土浸而為湖闔廬弟夫槩因而

創之吳興記云西湖昔吳王夫槩所立吳志云昔

孫皓封烏程侯就國有西湖人景養相皓當大貴

養乃西湖聚落之人湖中出佳蓴嘗貢傍溉田三

萬頃有水門四十所引方山泉注之 箬溪在縣

南五十步一名顧渚口一名趙瀆注于太湖箬溪

者顧野王輿地志云夾溪悉生箭箬南岸曰上箬

北岸曰下箬二箬皆村名村人取下箬水釀酒醇
美勝于雲陽俗稱箬下酒韋昭吳錄云烏程箬下
酒有名山謙之吳興記云上下二箬村竝出美酒
張協七命曰酒則荆南烏程則此酒也按陳書帝
紀云陳高祖諱霸先吳興長城下箬里人也云縣
前大溪亦名箬溪其箬水鄉箬溪里皆相因爲名
焉 荆溪在縣西南六十里每日高二尺倒流七
十里云是吳王送女湖荆溪者以其出荆山因名
之山墟名云昔漢荆王賈登此山名之張協七命
云酒則荆南烏程荆南卽此荆溪南也今或謂荆

州南接烏程去荊州三千六百里非荊州之南明
矣 苕溪在縣東四十五里 餘豐溪在縣東二
十三里輿地志云長興南鄉有餘豐水以餘豐村
名之梁陳故事云梁武時有童謠云天子之居在
三餘武帝于餘千餘杭餘姚三處爲禳厭之法其
時長興有餘千山餘豐水餘魚里蓋陳高祖吳興
三餘人也 邨閣溪在縣西南一百一十里輿地
志云昔吳王夫槩臨水起邨閣因而名之 餘漁
浦在縣東北四十二里周處風土記云諸漁浦一
名餘吾溪卽陽羨之東鄉也吳越之間漁吾同音

于舜漁大小雷此鄉之人舜時化之昔捕漁之人
來居此浦名之 金潭在縣西四十里山墟名云
金山金潭金塘金渠悉漢樓船將軍金曼倩居之
紫花澗在縣西北三十里山墟名云紫花澗兩
岸芳蕪之中出紫苑長薄之下生珠藤至三月紫
花滿澗一名花瀨 顧渚在縣西北三十里昔吳
王夫槩顧其渚次原隰平衍爲都邑之所今崖谷
林薄之中多產茶茗以充歲貢 小白瀨一名白
鷺湍 吳王夫槩廟在縣理東一百里夫槩闔閭
之弟 大騎城小騎城在縣西南一百二十里吳

地記云吳王濞築此二城爲馬廐 殷仲文墓晉

吏部尙書在縣東三十二里

德清縣

南水路一百五十里元一十七鄉

本武康縣地唐天授二年

析置以縣界有武承塘故名武源縣至景雲二年改爲臨溪縣天寶元年改爲德清縣 市亭山在

縣西南二百步吳興記云市亭山王逸少莅郡欲此立宅以其面溪背山也 葛山在縣東北十八里入東記云葛仙公得仙之所上有葛公壇 茅山在縣東北十五里入東記云昔三茅君隱此與延陵句容之茅山同也 餘不溪在縣東南百步

沈氏家傳云後漢沈戎居郡烏程縣餘不鄉 苧
溪在縣東二十五里山墟名云苧溪以貢苧爲名
南岸蘭相如廟北岸有青州刺史姚恢囚女城

孔愉潭在縣南二百步昔愉隱吳憾山見漁人釣
得白龜買而放之卽此處也 女獄城在縣東三

十五里入東記云後漢青州刺史姚恢與海昏侯
沈戎過江陰爭柯日山居之恢女密報戎戎先居
之姚氏三代不養女有女則囚于此山 孝鵝冢

唐天寶末邑人婺州武義主簿沈朝家養母鵝一
因育卵腸出乃自驚鳴鼓翅竄於波渚之隅其長

大平集字音 卷之九十四
三
雛悲叫屢絕家人飼之不復飲啄及母鵝死長雛
仰天號切遂啄倉舍下敗薦以覆其母銜庭砌間
芻草列于母所若人祭奠然長吁數聲而絕沈氏
家人因作二函埋于山下土人呼爲孝鵝冢 沈
約墓在縣東五十八里梁吏部尙書隱侯

校勘

湖州

武康縣

阮公溪石英寶者會稽上虞人

按南史文宣阮太后傳太后父石靈寶未

知孰是

長興縣

總序

唐武德七年廢宣州原鄉安吉故鄣三縣入
長城

按隋書地理志宣城郡綏安縣注云梁末
立大梁郡平陳郡廢省大德故鄣安吉原
鄉四縣入焉又按舊唐書地理志武德七
年廢雒州及原鄉併入長城屬湖州又武
德四年置安吉縣屬桃州七年廢入長城
復置安吉原鄉二縣然皆不屬宣州故鄣

太平寰宇記卷之九十四
又不見復置之因今記乃云武德七年廢
宣州原鄉安吉故鄣三縣入長城與史不
合未知據何書恐悞

太平寰宇記卷之九十四終

太平寰宇記卷之九十五

江南東道七

睦州

秀州

嘉興監

睦州

睦州

新定郡今理建德縣

禹貢揚州之域春秋時屬吳後屬越

尋復屬楚至秦為鄣郡之地漢又為丹陽郡地後

漢以後竝屬吳郡吳志漢建安十三年大帝使威

武中郎將賀齊討丹陽黥歙縣賊平定之分歙為

始新新定黎陽休陽四縣與黥歙凡六縣因立新

都郡理始新縣屬揚州晉太康元年改新都為新

太平寰宇記卷之九十五
安郡新定縣爲遂安縣隋平陳廢郡爲新安縣省
遂安縣仁壽三年割杭州桐廬并復立遂安縣仍
改新安爲雉山以三縣置睦州取俗阜人和內外
輯睦爲義輿地志云郡城卽賀齊所築隋煬帝廢
州爲遂安郡唐武德四年又置睦州領雉山遂安
二縣七年廢嚴州之桐廬縣來屬又改爲東睦州
八年去東字舊管縣三治雉山萬歲登封二年移
治建德天寶元年改爲新定郡乾元元年復爲睦
州至今因之

領縣六

建德 桐廬 壽昌 遂安 分水 清溪

州境

東西三百九十里 南北三百二十里

四至八到

東北至東京二千四百三十五里

西北至西京二千八百五十五里

西北至長安三千九百一十五里

東至杭州三百一十五里

南至婺州陸路一百一十五里水路一百八十里

西至歙州三百七十三里

北至杭州界二百七十里

東北至婺州一百八十里

北應作南

西南至衢州三百一十里

西北至歙州三百一十里

東北至杭州三百一十里

戶

唐開元戶二萬二千七百

皇朝管主客戶一萬二千二百五十一

風俗

同歙州

人物

嚴子陵

方儲

字聖公舉賢良對策第一

戴顓

字仲若春日酒

人問何之曰往聽黃鸝聲

夏孝先

桐廬人父亡

此俗耳針砭詩腸鼓吹

夏孝先負土成墳廬

方干

其側時有野火燎山將通塋墓孝先環墳

號慟鳥獸羣集以毛羽濡水灑火乃滅

字雄飛桐廬人唇缺應舉不第隱居鏡

皇甫湜

湖遇醫補唇年已老矣號玄英先生

字持正嘗為裴度作福先寺碑文三千字裴酬

以千縑湜怒曰一字一縑更減不得也裴笑而足

之少與李翱施肩吾字希聖分水人舉進士隱

張籍齊名

遇旌陽授以丹術成仙去

交梭紗

竹簞

絲布

鳩坑團茶

麥門冬煎

紙漆

白石英

建德縣

舊十六鄉今九鄉

吳黃武四年分富春縣之地置屬

吳郡以封孫皓為侯甘露元年孫韶于水濱得大

鼎進之吳後主因改寶鼎元年封孫韶為建德侯

隋末立郡于此 三雄山郡國志云山有顯庭石

門故關多牛馬跡在石上是也 都督山郡國志

云山極高峻臨江以占吉凶石若崩墜水內者死

半山而止者去住消散至水際者免又有承金山

相次以占焉 七里瀨即富春渚是也 界山郡

國志云界山欲雨輒聞鐘鼓之聲與人擊之無異

公山江水郡國志云水有橋自然泛來行人噉

之恣飽則可將去則病

桐廬縣

東北一百五里舊二鄉今十八鄉

漢爲富春縣地吳黃武

四年分富春置此耆舊傳曰桐溪側有大椅桐樹垂條偃蓋蔭數畝遠望如廬遂謂爲桐廬縣也

白石山山有印渚渚多巉石嚴陵山輿地志云

桐廬有嚴陵山境尤勝麗夾岸是錦峯繡嶺卽子

陵所隱之地因名戴山宋徵士戴顓所隱處也

嚴子陵釣臺在縣南大江側壇下連七里瀨按

東觀漢記云光武與子陵有舊及登位忘之陵隱

于孤亭山垂釣爲業時主天文者奏每日出常有

客星同流帝曰嚴子陵耳訪得之陵不受封今郡
有臺并壇亦謂嚴陵瀨謝靈運過七里瀨詩曰石
淺水潺湲日落山照耀杜牧詩云州在釣臺邊也
桐溪一名紫溪水木泉石相映名樓林自桐溪
至於潛有九十六瀨第二卽嚴陵瀨也

壽昌縣

西南一百一十里
舊十鄉今五鄉

秦歙縣地漢爲富春縣之

境屬丹陽郡隋仁壽三年改新安爲雒山縣以桐
廬遂安三縣置睦州是也唐永昌元年改爲壽昌
縣載初元年廢神龍初又置之 雒山在縣西三
里 天井山輿地志云壽昌縣有天井山將降雨

頂上輒有鐘鼓之聲響

遂安縣

西南一百九十里舊十五鄉今八鄉

漢建安十三年分歙縣南

鄉安定里爲新定晉太康元年改新定爲遂安縣

隋平陳廢仁壽中復

分水縣

北一百八十五里舊十四鄉今六鄉

本桐廬縣之西鄉也唐武

德四年析桐廬縣以置之至如意元年改爲武盛

縣因界內武盛山以爲名神龍元年又改爲分水

縣取桐廬江水中分爲名

清溪縣

西一百六十五里舊二十四鄉今十六鄉

在梁陳之代爲新安縣

地唐開元二十年改爲還淳縣至永貞元年十二

月改爲清溪縣避憲宗名也 錦沙村按新安記
云錦沙村傍山依壑素波澄映錦石舒文冠軍吳
喜聞之鼓棹游泛彌旬忘反嘆曰名山美石故不
虛賞使人喪朱門之志

秀州

秀州

理嘉興縣

本蘇州嘉興縣地晉天福四年於此置秀

州從兩浙錢元瓘之所請也仍割嘉興海鹽華亭
三縣并置崇德縣以屬焉

領縣四

嘉興 海鹽 華亭 崇德

州境

東西三百一十八里 南北九十一里

四至八到

圖經上未有至東西京里數

東至大海二百一十里

南至杭州硤石鎮爲界六十里

西至杭州二百一十九里

北至蘇州一百四十二里

戶

舊戶載蘇州籍

皇朝戶主客二萬三千五十二

風俗 同蘇州

人物 同蘇州

土產 同蘇州

嘉興縣 舊五十鄉今本秦由拳縣地吳錄地理志吳

王時本名長水秦改曰由拳漢書地理志屬會稽

續漢書郡國志屬吳郡吳大帝黃龍三年嘉禾生

于由拳縣改曰禾興後以太子名禾改曰嘉興隋

廢唐武德七年復置九年省入吳縣貞觀八年復

置屬蘇州今乃割屬秀州 禦兒按吳越分境越

國西北置禦兒與吳分爲界通典注云在嘉興縣南有地名禦兒也國語曰吾用禦兒臨之今俗作語字 蘇小小墓在縣前晉朝歌姬錢塘蘇小小死亭灣縣北七里有死亭灣卽朱買臣爲內史衣錦還鄉其妻羞死于此故號死亭灣 朱買臣冢在縣東三里九州要記云此是招魂葬處極高大其真冢在洛陽北市東南大街中有碑云是朱買臣冢 秦望山九州要記始皇登此山望海因以名始皇碑在嘉興縣吳主立于長水縣土人謠曰水市出天子始皇東遊從此過見人乘舟水中

交易應其謠遂改由拳縣 故由拳縣在今縣南
五里秦始皇見其山上出王氣使諸囚合死者來
鑿此山其囚倦竝逃走因號爲囚倦山因置囚倦
縣後人語訛便名爲由拳山其處出好紙縣廢後
唯有一巖基一作機在東 會骸山九州要記古有
金牛入此山臯伯通兄弟鑿山取牛山崩二人同
死此穴中因曰會骸山

海鹽縣

南九十里
元十鄉

本吳縣武原鄉秦置海鹽縣漢因

之屬會稽又按吳郡記云海濱廣斥鹽田相望卽
海鹽與鹽官之地同也隋初置唐武德七年廢景

雲二年又置先天元年廢開元五年又置治在吳

禦城

華亭縣

東一百二十里舊十鄉今十七鄉

本嘉興縣地唐天寶十載

置因華亭谷以爲名

華亭谷輿地志云吳大帝

以漢建安中封陸遜爲華亭侯卽以其所居爲封

谷出佳魚蓴菜又多白鶴清唳故陸機嘆曰華亭

鶴唳不可復聞 二陸宅吳地志云宅在長谷谷

在吳縣東北二百里谷周迴二百餘里谷名華亭

陸機嘆鶴唳處谷水下通松江昔陸遜陸凱居此

谷吳志云漢廬江太守陸康與袁術有隙使姪遜

與其子績率宗族避難于是谷谷東二十里有崑山父祖墓焉故陸機思鄉詩云髣髴谷水陽婉孌崑山陰崑山有吳相江陵昭侯陸遜墓

崇德縣

西南一百八十里元九鄉

置州之時析嘉興縣之崇德等

九鄉於義和市置縣以鄉爲縣名

嘉興監

嘉興監本秀州嘉興縣煎鹽之所至今升爲監

校勘

睦州

建德縣

總序

吳黃武四年分富春縣之地置屬吳郡以封孫皓爲侯

按三國志云孫權爲吳王封孫韶爲建德侯孫休立孫皓始封烏程不封建德今記誤以韶爲皓也

孫韶於水濱得大鼎進之吳後主因改寶鼎元年封孫韶爲建德侯

按孫韶赤烏四年前卒而云韶以進鼎封建德侯未詳舛謬之故

壽昌縣

總序

仁壽三年改新安爲雉山縣以桐廬遂安三縣置睦州

按隋書地理志仁壽三年置睦州大業初改新安爲雉山今記併以爲仁壽與志小差

壽昌清溪二縣廢置

以隋志考之大業初改新安爲雉山又按新舊唐書地理志文明元年雉山復爲新安永昌元年分置壽昌縣開元二十年改新安爲還淳永貞元年改還淳爲清溪今

記壽昌縣序但言唐改新安爲壽昌不言
分置則已無新安矣清溪縣序又云梁陳
之代爲新安縣地開元改爲還瀆是有兩
新安縣殊爲牴牾按新安縣後改爲還瀆
自還瀆爲清溪而壽昌特分新安所置耳
今記誤宜以史志爲正

秀州

海鹽縣

總序

隋初置武德七年廢

今記秦漢置縣之後初無省廢不應忽云

隋初置按自漢至南齊史志皆有海鹽縣
惟隋志無之故元和郡縣志云開皇元年
廢屬杭州舊唐書地理志亦云漢舊縣久
廢景雲二年復置事皆略同隋初廢縣非
置也又元和志云武德七年地入嘉興舊
唐志及今記云武德七年廢唐會要及新
唐志云貞觀元年省皆牴牾不一疑唐初
嘗復而尋廢乃再復耳

太平寰宇記卷之九十五終